



PLAN I PROGRAM TURE

• 1.dan – TUZLA - LARNAKA

Sastanak na Međunarodnom aerodromu u Tuzli u 10:30h. Chekiranje karata, pasoška kontrola te polijetanje prema Larnaki u 12:30h. Po dolasku na aerodrom Larnaka (16:15h) slijedi preuzimanje kofera, te transfer autobusom do hotela. Po dolasku u hotel smještaj grupe. Noćenje. dan – LARNAKA + L

E

2.dan – LARNAKA + LEFKARA SELO LEFKARA

SELO

Doručak. U jutarnjim satima mogućnost za fakultativni odlazak s vodičem na razgled Larnake, jednog od najstarijih gradova na Kipru, autobusom i pješice. Razgled započinjemo šetnjom uz poznatu palmama obrubljenu obalu Finikoudes, simbol grada i omiljeno mjesto okupljanja lokalnog stanovništva i posjetilaca, s brojnim kafićima i pogledom na Sredozemno more. Nastavljamo prema Crkvi svetog Lazara, jednom od najznačajnijih pravoslavnih spomenika na otoku, podignutoj u 9. stoljeću na mjestu gdje se, prema predanju, nalazi grob svetog Lazara, kojeg je Isus uskrsnuo. Vožnjom dalje dolazimo do Hala Sultan Tekke, jedne od najvažnijih islamskih svetinja na svijetu, smještene u mirnom ambijentu uz obalu Slanog jezera (Salt Lake). U određenim periodima godine jezero privlači jata ružičastih flamingosa, što ovo područje čini posebno atraktivnim za fotografije i kratke pauze u prirodi. Tokom panoramske vožnje vidjet ćemo i Kamares Aqueduct, impresivan kameni akvadukt iz osmanskog perioda koji je nekada snabdijevao grad vodom. Nakon razgleda Larnake nastavljamo prema slikovitom planinskom selu Pano Lefkara, jednom od najljepših i najautentičnijih sela na Kipru. Ovo tradicionalno selo poznato je po ručno rađenoj lefkaritika čipki i srebrnom nakitu, koji su dio UNESCO-ove nematerijalne kulturne baštine. Uske kamene uličice, kamene kuće ukrašene cvijećem, male

radionice i lokalne trgovine stvaraju poseban mediteranski ugođaj. Tokom šetnje selom imat ćemo priliku vidjeti kako nastaju čipke po kojima je Lefkara svjetski poznata, posjetiti male zanatske radnje, te uživati u pauzi u lokalnom kafiću uz tradicionalnu kafu ili desert. Prema legendi, čak je i Leonardo da Vinci posjetio Lefkaru i odavde ponio čuvenu čipku za milansku katedralu. Povratak prema hotelu u poslijepodnevnim satima. Slobodno vrijeme. Noćenje.

3.dan – NIKOZIJA

Doručak. U jutarnjim satima mogućnost za fakultativni odlazak s vodičem na razgled Nikozije, posljednje podijeljene prijestolnice u Evropi, jedinstvenog grada u kojem se susreću različite kulture, religije i historijska razdoblja. Razgled započinjemo u grčkom dijelu grada, unutar imponirajućih Venecijanskih zidina iz 16. stoljeća, koje i danas u potpunosti okružuju staru gradsku jezgru. Šetnju nastavljamo kroz slikovitu četvrt Laiki Geitonia, obnovljeni dio starog grada s uskim ulicama, tradicionalnom arhitekturom, suvenirnicama i tavernama, koji vjerno dočarava duh stare Nikozije. U blizini se nalazi Crkva Faneromeni (Fanairomenis), jedna od najvažnijih pravoslavnih crkava na Kipru, simbol vjerskog i kulturnog identiteta grčkog dijela grada. Dolazimo do poznate Ledra ulice, glavne pješačke zone i trgovačkog srca Nikozije, gdje se nalazi i službeni granični prelaz. Ovdje prelazimo u turski dio grada, uz kratku kontrolu dokumenata, i nastavljamo razgled u potpuno drugačijem ambijentu. U sjevernom dijelu Nikozije posjećujemo Büyükh Han, veličanstveni osmanski karavan-saraj iz 16. stoljeća, danas jedan od najljepših i najbolje očuvanih spomenika osmanske arhitekture na Kipru, prepun malih zanatskih radnji, galerija i kafića. Šetnja se nastavlja kroz živopisnu ulicu Arasta Sokak, tradicionalnu trgovačku ulicu s lokalnim dućanima i rukotvorinama. Razgled nastavljamo kod Selimiye Camii, nekadašnje gotičke katedrale svete Sofije, koja je nakon osmanskog osvajanja pretvorena u džamiju, danas simbol suživota različitih kultura i jedan od najimpresivnijih sakralnih objekata na otoku. Slobodno vrijeme za individualne šetnje, kupovinu i kafu prije povratka. U blizini se nalazi Derviş Paşa Etnoğrafya Müzesi, smješten u tradicionalnoj osmanskoj kući, gdje se možete upoznati s načinom života, običajima i kulturom

turskih Ciprana kroz historiju. Povratak prema hotelu u poslijepodnevnim satima. Noćenje.

• 4.dan - PAFOS

Doručak. U jutarnjim satima mogućnost za fakultativni odlazak s vodičem na razgled Pafosa, grada bogate antičke baštine i jednog od najznačajnijih arheoloških lokaliteta na Mediteranu, koji se nalazi pod zaštitom UNESCO-a. Razgled započinjemo u starom gradu, historijskom središtu smještenom na brežuljku, odakle se pruža lijep pogled na moderni dio grada i obalu. Šetnjom kroz stare ulice upoznajemo se s lokalnim životom, tradicijom i atmosferom nekadašnjeg Pafosa. Nastavljamo prema Arheološkom lokalitetu Grobnice kraljeva (Archaeological Site of the Tombs of the Kings), jednom od najimpresivnijih antičkih nalazišta na Kipru. Iako ovdje nisu sahranjeni kraljevi, monumentalne grobnice uklesane u stijene, koje datiraju iz helenističkog i rimskog perioda, svjedoče o bogatstvu i značaju antičkog Pafosa. Razgled se nastavlja u Kato Paphosu, donjem dijelu grada uz obalu, poznatom po rimskim vilama s izuzetno očuvanim mozaicima, antičkim ostacima i šetnici uz more. Ovdje se nalazi i Pafoska tvrđava (Paphos Castle), srednjovjekovna utvrda smještena na samom ulazu u luku, jedan od najprepoznatljivijih simbola grada i omiljeno mjesto za fotografisanje. Slobodno vrijeme za šetnju uz more, kafu ili ručak u nekom od lokalnih restorana uz luku. U povratku prema hotelu, ukoliko vrijeme i uslovi dozvole, kratko zaustavljanje kod Petra tou Romiou, legendarne stijene Afrodite, mjesta za koje se vjeruje da je upravo ovdje iz morske pjene rođena božica ljubavi. Ovo čarobno mjesto, okruženo tirkiznim morem i dramatičnim pejzažom, jedno je od najfotografisanijih na Kipru. Povratak u hotel u poslijepodnevnim ili večernjim satima. Noćenje.

• 5.dan – LARNAKA - TUZLA

Doručak. Odjava iz hotela u jutarnjim satima. Slobodno vrijeme do polaska. U podnevnim satima transfer prema aerodromu Larnaca, planiran oko 14:30h. Obavljanje formalnosti, check-in i pasoška kontrola. Polijetanje prema Tuzli u 16:50h. Dolazak u Tuzlu u 18:45h. Kraj programa.

NAPOMENA: Promjena cijene je moguća, u slučaju promjene tarifa avio prijevoznika.

Dodatne usluge u toku leta se posebno naplaćuju na licu mjesta. Odgađanje leta nakon uplate nije moguće. Promjena tarife za putovanje je moguća, u slučaju promjena tržišnih energenata, te izmjenama tarifa niskobudžetne avio kompanije Wizz Aira. Promjena satnica letenja je moguća, te finalna informacija može uslijediti do 5 dana prije polaska. Ukoliko broj prijava ne bude dovoljan za realizaciju, agencija zadržava pravo otkazivanja putovanja uz povrat uplate.

Za ovo putovanje vrijede opći uslovi VENTURA TRAVEL AGENCY SARAJEVO.